

RE GNUM ME- TAPHYSICUM,

Ex

Consensu amplissimæ Facultatis
Philos. in alma ad auram A-
cademia,

SUB PRÆSIDIO

Viri Adm. Rever. & Celeberrimi,

Dn. MICHAELIS. SIMONIS THEOLOGI

Logices & Metaph. Profess. ibidem
Ordinarii & amplissimi,

DISPUTATIONE GRADUALI

ab

ERICO BRUMERO
adumbratum.

In Auditorio Maximo,

ad diem 8. Décembris, A. 1697.

Impr. apud Jo. WALLIUM.

• БИБЛІОГРАФІЯ

23

загальні засоби
для вивчення
стародавніх
мов та
дискусій
загальні
таблі. Відомі
загальні
дискусії

ERICO BRUNEAU

шуперсправа

загальні

загальні

загальні

Ad Virum
Doctrina & morum cultura
Eximum,

DN. ERICUM
BRUMERUM,

Philos. Candidatum dignissimum,
LECTOREM Log. & Phys. in Regio
Gymnasio Wiburgensi confirmatum,

Amicum singularem,,

DE REGNO METAPHYSICO,

Pro Honoribus Philosophicis
disputantem,

ΠροσΦωνησις:

R^egna suis librat scriptis c^eu^candi-
das Histor,

Sic Metaphysica nunc regna do-
cere paras.

Amic. ergò

A. WANOCHIUS,
S.S. Theol. Prof.

Philosophiæ CANDIDATO Meritissimo,
Fautor & Amico singulariter dilecto.

Quod Tibi tantopere est Regina
Scientia cordi,
Brumere, Auriaci portio lecta
chori,

Sunt referata Tibi vasti penetralia
Regni:

Teqve latens servat Concio
docta nihil.

Obvia, vos Musæ, nunc oscula ten-
dite Alumno,

Et festiva Viri Laurea lambe
comas.

*Plurimis licet occupatus, sic
tamen gratulabundus
scr.*

TORST. RUDEEN.

Minime subeat mirari L. B. quod materiam hanc satis arduam & intricatam publicæ luci sustinuerim dare, siquidem prægnantes subsint cause, quæ animum aliorum claritate in primis quidem suppressum, deinde vero magis atq[ue] magis accensum, ad hoc ipsum torserunt. Nam licuerat mihi, Athenæo huic Musarum per amplio sexennium ferè per divinam gratiam adesse, & tamen illo omni tempore non audire discursum aliquæ peculiarem, de Matria substrata agitatum, præcipue de principiis cognoscendi complexis Metaph. num illa petenda est naturâ vel Scripturâ simul? & quodnam Adæquatus Genus Metaph. Sapientia vel Scientia? Atq[ue] cum ante aliquod tempus in Exc. D. Calovii Metaph. aliqua perbolverem, offendit solida argumenta pro affirmativa illorum, quæ in Disputatiuncula mea jam complexus sum. Dolui igitur vicem tanti Viri, quod rationes suæ graves sepultæ jacerent silentio, nec ab aliquo in medium prolatæ. Proinde Holmiam abbinc aliquot menses proficiscens tacitâ mecum judicavi pensatione, dignissimam esse materiam, quæ prælo sudaret, in votis imperi ba-

rit, ne heterogenea pro homogeneis venditentur, alienavè pro propriis assumantur. Igitur, cum Materia Disputationi jam substrata, sit de REGNO METAPHYSICO, quod videlicet Metaphysica seu REGINA, adjunctis sibi Consiliariis, GNOSTOLOGIA & NOOLOGIA, in inferiores disciplinas exercet, non ab fore duximus, si viam pandamus ad intimiora eorum reseranda, quæ ex ratione propositi, sub incudem Dissertationis erunt revocanda, præmissis scilicet illis, quæ quam maximè faciunt ad Entis in abstractissima sua consideratione notitiam, quibus sine institutum nostrum frustraneum & nullum, utpote Disquisitione, quibus principiis acquiescat Metaphysica; num solum principio ex libro naturæ, vel insimul ex Scripturâ Sacra deducto; Quodnam ejus adæquatum Genus Sapientia vel Scientia?

§. II.

Principii varias acceptiones heic in compendium mittimus, & solum eas, quæ quamplurimum usu frequentantur à Philosophis, consideramus, quibus illud dividunt in Principium effendi & cognoscendi.

3

Illudque vel *Specialiter* sumitur, quatenus
principio fiendi & conservandi oppo-
nitur, quomodo principia essendi sunt, ex
qvibus aliqvid intrinsecè constat: fiendi,
ex qvibus aliqvid producitur: *Conser-
vandi*, à qvibus aliqvid in esse conservatur.
Vel *Generaliter*, prout dat esse alteri, sive
per generationem, creationem vel alio
modo, sive intrinsecè illud constitutus, sive
conservet. Posteriori modo, quando in
nimis laxo significatu accipitur *princi-
pium essendi*, fatemur quidem objectum
Metaphys. Ens hoc quodammodo admit-
tere, in quantum DEUS hominem sa-
pientiae capacem condidit, & naturale,
sciendi sublimia quæque, desiderium indi-
dit. Præterea ingenia Theorica ad hu-
jus studii culturam excitavit, iisdemque
ad veritatis & causarum summarum in-
vestigationem singulare acumen conces-
sit. Hoc, non priori modo, concedimus;
Nam Disciplina hæc universalissima, o-
mnia, quæcunque existunt, sub objecto
suo Ente comprehendit, cuius ideo na-
turæ repugnat, *principium* tale *Essendi*
agnoscere, ceu in seqventi §. pluribus
patebit.

§. III.

Postquam ita nostram circa *principium*
essendi declaravimus mentem, re-
 stat ut alterum divisionis nostræ mem-
 brum, *principium* nempe cognoscendi pen-
 sitemus; qvod iterum duplex: *Complexum*
 & *Incomplexum*. De illo nullus dubi-
 tat, qvin in Metaph: quadret: de hoc
 v. Metaphysicos inter insignis fota est
 lis. Placet igitur in examen revocare pon-
 derosas illorum rationes, qvibus è foro
 Metaphysico relegant *principium cognoscendi incomplexum*, dum scilicet conan-
 tur adstruere, affectiones posse probari
 de Ente, vel per *principium cognoscendi incomplexum*, vel per rationes quasdam
 saltem à priori aliquo modo inferentes.
 Undè qvam benè hoc Metaphysicæ con-
 veniat, in confessio erit. Sic enim Excell.
 D. D. Calovius infert: *Principia incom-plexa* sive *causæ* sint, sive *rationes* sal-
 tim *superiores* inferentes, è qvibus eman-
 ent *attributa*, & per quas *affectiones*
transcendentes de ente *verificari* prober-
 tur, nullæ possunt denominari in Me-
 taphysica. Non *Causæ*: *Causa* enim *Cau-*
sa non est in infinitum. E. subsistendum in
 pri-

primo efficiente, quatenus efficiens est. At v.
 Efficiens quatenus efficiens, est affectio entis,
 E. concedenda est affectio sine efficiente
 causa. Si hoc, multo minus subjectum Effi-
 cientis, quatenus Efficiens est, scilicet ens
 habebit principia essendi. Et si ponas sub-
 jectum Metaph. Ens quā Ens principiis
 essendi affectum, conseqvens est, nullum
 dari ens, quod non agnoscat essendi prin-
 cipia. Adeoque Deo etiam tribuenda
 erunt, habebisq; Deum non Deum. Nam li-
 cit in scientiis non tam objecti, quam
 affectionum causæ querantur, neque i-
 stud, sed hæ probari debeant; attamen
 quia affectiones subjecto immediate in-
 sunt ē principiis ejusdem omnino pro-
 veniunt; adeoque easdem per principia de
 subjecto verificari docendum est. Præte-
 rea neque rationes inferentes heic locum
 habent. Potest quidem ens considerari in
 sua essentia, & veluti in momento pri-
 mo, ut affectiones spectentur in momen-
 to secundo quasi, nempe in actuali deno-
 minatione & promanatione. At non dis-
 quiritur, an affectiones Entis promanent
 ab ente, sed de eo disceptatur, an derat
 ratio aliqua superior, ē quā inferantur
 affectiones Entis, & per quam de ente

prædicentur? quemadmodum *immutabilitas DEI*, ejusdem infert *eternitatem*, *independentia omnipotentiam*. Ubi sanè non diffitemur, affectionem unam deduci posse ex aliis; at qvod prīmō, *immediatē & proximē* decur aliquā ratio emānandi superior, è qvā inferatur *affectionis Entis*, haud concedimus. Ens enim, qvā Ens, summum est omnium, & nihil se habet superius. Ipsum enim ens talis ratio esse nequit, qvia principium & principiatum non sunt idem. Deinde multò minus salutabitur *affectionis Entis*, qvia per ejusmodi rationem debent affectiones de Ente demonstrari. At principium & affectione in uno conceptu non convenient, ut loquitur D. Gurkius. Qvare nulla heic reperiuntur incomplexa principia: qvod probandum erat. hæc Excell. ille D. Calov.

§. IV.

Principia complexa, qvæ modò Metaph. assignavimus, dispicienda esse, ratio ordinis syadet. Hæc si quis denegare Ei vult, is videat, ne sapientiam absqve principiis manifesta contradictione singat, qualis non est Metaph. utpote qvæ

qvæ elicit conclusiones generalissimas ē primis principiis. At novimus hoc tritum omnium circumferri ore. Qvem-admodum revelatio est principium Theologiae; ita Lumen Naturae Philosophiae: quo ipso Lumen Naturae revelationi contradistingvitur. Verum hoc cum grano salis acceptandum, inferioribusque solum disciplinis adscribendum, accurata tractatio Metaphysicæ docet, ubi Lumen revelatum & Natura foroio quasi vinculo connectuntur. Est quippe hæc disciplina universalissima, universalissima proindè reqvirens principia. Quare, qui in investiganda ratione formalis transcendentium unice libro naturæ intendunt, & quæ in illo repræsentantur, hi certe nunquam exhibebunt Metaph. in abstractione entis nec defendere poterunt, qod asserunt cum Philosopho, Metaphysicam esse disciplinam γενικοτάτην, generalissimam, & objectum ejus esse ens, quâ ens, sub abstractissima ratione. Nec abstrahere potes communem rationem, nisi à tibi cognitis & perspectis: Quomo-do, quælo, ab infinito pariter & finito communis conceptus transcendentium pre-scendi potest, nisi imprimitis constituerit tam

infiniti natura, quam finiti, & indoles tam mysticorum quam Prædicamentalium. Illorum autem notitia non aliunde pe-tenda, quam ē libro scripture, cum in li-bro naturæ nulla habeantur propriè my-steria.

Sic terminorum transcendentium: Es-sentia, perfectionis, unitatis, bonitatis, incomunicabilitatis, Durationis, ubieta-tis, Principii, Causæ, simplicis, identica-zis essentialis, Distinctionis realis, op-positionis Relativæ &c. formalis ratio in abstraktione summa consticui nequit, si solummodo hemisphærium inferius, na-turæ, Speciemus; Etsi ex illorum, quæ ibi nobis offeruntur, quidditatem, Dura-zione &c. conceptum quendam Communem & generalissimum præscindere conemur, tum videbimus, nos cæcos ductores non solum in errorum præcipitia alias sedu-cere, sed & ipsosmet oppidò male seduci. Nam conceptus generalissimus competere debet etiam rebus mysticis & Enti in-finito. Non enim DEUS, Ens infinitum, ex Entis finiti conditione æstimari de-bet, juxta Axioma Noolog: Divina ex obiecta creature conditione non sunt æ-stimanda. Pariter conclusiones Transcen-den-

deneales ē Sola rerum cognitione & principiis cognitionis naturalis elici nequeunt, nisi simul attendatur ad scripturæ veritatem & principia Theologica. Quidam concusiones, quæ adeo generales & universales esse debent, ut nihil quicquam detur in rerum natura, de quo istæ non verificantur, illæ utique eruendæ sunt & consideratione rerum omnium, quæcumque illæ sunt, sive nobis constent lumine revelationis, sive rationis. Alias conclusio habetur universalis, quæ tamen revera particularis est. Concludimus itaque ex modo dictis, geminum esse principium complexum Metaphysicæ. Unum Theolog. quicquid DEUS dixit hoc verum est. Alterum Philosoph: Impossibile est idem simul esse & non esse. quicquid his congruit, acceptandum est; quod vero ab iisdem dissidet, rejiciendum.

§. V.

Nec est quod alicui scrupulum moveam, si discussis varietatibus vocis Principii, ampliorem mihi viam sternam ad ea, quæ jam venor, paucissimis etiam attingendo Genus Metaph. ubi certè necessarium habeo fateri, hoc longè superius esse

esse ingenio meo, præsertim cum vide-
am, magnos in magna sententiarum hac
de re abiisse divertia. Qvorum qvibus-
dam placet, cætera ut omittam, pugna-
re pro scientiâ qvibusdam iterum pro ~~en-~~
Sapientiâ, singulis prægnantibus munitis ra-
tionibus; qvas non novas heic in unum
conferre plus satis existimamus. Pro *sapien-*
tia pugnant his argumentis: In Me-
taph: cognoscuntur proprietates entium
per demonstrationem E. cognoscit con-
clusiones suas scientificè. Scientia est
demonstrationis effectus. Imo nihil aliud
intendit Metaphysica, quam ut demon-
straret varias affectiones de Ente. Deinde,
ampliant vocabulum *scientiæ*, ut aliquan-
do ipsis significet notitiam conclusionis
præcise, & opponatur intelligentæ & sci-
entiæ: Aliquando etiam implicit notitiam
principiorum qualiumcunque, sine addito,
primorum annon. Et hoc sensu scientia
dicit illis rationem Generis ad sapien-
tiam. Præterea, *principia*, inquit, non
solere requiri ad scientiam ea, quæ sunt
Efficiens & Finis rigorosè dicta, sed suffi-
cere ad eam complexa *principia* sive com-
munißima axiomata, item qualescunque
rationes quæ à nobis apprehenduntur pri-
ores

ores attributis. Et patet qvia hujus generis principia sufficiunt ad demonstrationem, ista quidem saltem ad eam, quæ est per impossibile; Hæc autem etiam ad demonstrationes potissimas, quas diolè vocant. Sic illi ratiocinantur, sed quam valide, scire luet, dum argumenta, quæ Excell, D. D. Calovius in aciem profert, candidè examinemus. Dicit enim hic in Metaph. sua p. m. 112. & 113. Certum est, scientiam tantum esse notitiam conclusionum seu earum propositionum, quæ non simpliciter primæ & summe, sed ad prima & summa axiomata habent sese. u. conclusiones. Quamquam aliæ scientia non tantum conclusiones sed & principia habeat, at saltem secunda, quæ & ipsa respectu primorum conclusiones sunt. Hinc ulterius certum est, scientiam versari circa ens determinatum, procedere è causis proximis, scientificis, & affectiones certas de subjecto certo & præcognito per easdem demonstrare. Horum autem neutrum Metaphysicæ competit, utpote quæ neque subjectum habeat alibi præcognitum atq; determinatum, vel affectiones scientificas, vel demonstrationes affectionum de subjecto per rationes inferentes à priori, ne dū per prin-

cipiis causalibus: neque conclusiones nudas,
 sed primis principiis stipatas proponat.
 Qui scientiae vocem ampliant, & laxe
 usurpant, ut designet notitiam habitua-
 lem conclusionum, prout eliciuntur ē prin-
 cipiis (non determinate secundis, sed)
 indefinite & indeterminate, sive primis
 sive secundis, videntur mihi neque cum
 Philosopho loqui, neque cum veritate
 convenire. Laxa ejusmodi acceptio non-
 dum à Philopho demonstrari potuit. At
 terminis usitatis inusitatitas imponere si-
 gnificationes non permittunt Philosophi.
scientia habitus est, ē particularibus prin-
cipiis existens 1. Post. Anal. Notitia est
conclusionis, non vero principiorum 4. Eth.
C. 6. Anne haberi potest *scientia*, ubi
 nondum sciam *medium in demonstratio-*
ne positum esse, Causam proximam, &
immediatam affectionis illius, qvæ de sub-
iecto demonstratur? Annon ad *scientiam*
 in communi requiruntur, *subjectum, prin-*
cipiæ effendi, & quidem talia, qvæ sine
proxima (hoc ipso distingvitur à pruden-
tia & sapientia) affectionum causa? Ha-
 ctenus ille. Qvod etiam D. Geilfus. in
 Eth. sua Exemplari p. 375. adstruit, dum

dicit: Scientiam esse habitum, quo per veras & immediatas causas cognoscimus conclusiones necessarias. Et paulò post: Scientiam propriè & in rigore sic dictam, nulli competere cognitioni, nisi ei, quæ sit per causas veras & immediatas: conclusionumque esse scientiam, non principiorum. Hisce satis superque responsum iri, ad rationes illorum modo aliatas, speramus, nisi forte nostrum erit hæc adjicere, quod Metaphysica plus aliud intendat, quam ut affectiones solum de ente demonstret, principia videlicet inferiорibus Disciplinis adhibeat, objecta præscribat, rationesque controversias decidendi suggerat, ceu in seq. patebit. Denique rationes qualescumque à priori inferentes, ad demonstrationes potissimas quas tamen dicitur vocant, sufficere, ut illi dicunt, falsissimum esse, luce meridiana clarus est, etiam illis, qui per transennam modò viderant Demonstrationis tamen dicitur definitionem, quæ est, quando de subiecto demonstratur affectio, per Causam efficientem vel Finalē proximam. His igitur rationibus adducti, minimè arrogantis crimen nobis inuri confidimus, si calculum, salvo, tamen cujusvis judicio atque ho-

honore, iis addamus, qui à parte negantium stant, cum pari autoritate non solum cum cæteris sint, sed & rationibus illis prævaleant.

§. VI.

Cum igitur jam probatum ivimus, scientiam non posse constituere *Genus Atæ quatum Metaphys.* pedem promovemus in castra illorum, qui pro sapientia militant, visuri, quamnam & quibus rationibus munitam nobis adhibituri sunt sapientiam. Hanc Antesignanus illorum D. D. Calovius dicit dupliciter sumi, I. In communi, præcise & abstracte, quam dicit esse *Habitum quæcumque Διεργησίδον s. discursivum*, cum noticiâ principiorum simul conjungentem noticiam conclusionum, quæcumque ea sint principia, quæcumque conclusiones, modò in ista cognitione ultimâ subsistatur. Quo ipso à Prudentiâ discriminatur, quæ πρᾶξιν intendit. Sicut etiam ab intelligentiâ eò differt, quod sit habitus Διεργησίδος, principia simul cum conclusionibus habens Hæc. v. habitus rationis, qui circa principia summa versatur. A scientiâ etiam discrepat in hoc, quod hæc sit notitia conclusionum per de-

monstrationem acquisita. Hanc communem significationem novam non esse, sed anteà usitatam, ex communissima Philosophiæ definitione, Peripateticorum plerisque approbatâ afferitur, qvâ finitur: *Habitus mentis sapientiæ & prudentiæ constans.* Ubi sapientia absqve omni dubio sumitur pro quo vis habet Theoretico, qvia ē diametro habitui practico contradistingvitur. Deinde laxa ista significatio citta omnem exceptionem ab Aristotele præsupponit, cum adhibetur hæc altera, ubi 2. Specialiter determinatè & restrictè accipitur vocabulum sapientiæ, prout est *Sapientia Prima vel Secunda*, ut ē 7. Metaph. Cap. II. apparet. Ita *Sapientia prima*, inquit D. Calovius, est, qvæ ex primis principiis conclusiones elicet universalissimas: *Secunda*, qvæ ex principiis secundis de subiecto determinato conclusiones format & statuminat. Et ut hujus nomine veniunt *Scientiæ*, Physica 7. Metaph. Cap. II. & p. c. alie qvæ sunt *Scientiæ*; ita istud unicè quadrat in Metaph. & cum ipsa ἀπλῶς reciprocatur. Qvibus suppositis haud difficulter iudicium fieri potest, num Metaph. per *Sapientiam* definiri possit? Jam autem per *prīmam* definiri

nequit, cum hæc Synonymum Grammaticum ipsius *Ornithologiae* reputetur, & propterè ejusdem sit latitudinis cum eadem, cum tamen communior requiratur conceptus ad rationem Generis. Neque per *Secundam* definiti potest, qvandoqvidem hæc Synonymum Grammaticum Physicæ, aliarumqve inferiorum disciplinarum Theoreticarum exhibeat. Reliquum prōinde est, ut per *Sapientiam* abstractè sumptam definiatur hoc modo: *Metaph.* est *sapientia Entis* quatenus ens est. Ubi observatum volumus, qvod quemadmodum non omnes disciplinæ inferiores ὀντῶς sed ἀναλόγως naturam scientie, dum per hanc disiuntur, participant; ita etiam ἀναλογία qvam maximè urgenda, dum illas per sapientiam definiri asserimus; qvippe hujus requisita unicè & in solidum Metaph. congruunt. Qvæ sunt i. omnia cognoscere conceptu maximè universali. 2. scire difficillima & à sensibus remotissima. 3. Habere notitiam certissimam 4. Habere maximam ad docendum aptitudinem, revocando omnia ad prima principia. 5. propter se expeti. 6. Aliispræesse. Hinc ad ultimum robur nostro conciliamus asserto,
sic

sic inferentes: Cui Disciplinæ omnes con-
ditiones sapientiæ competunt, illa potius
per sapientiam quam scientiam, in quam
eiusmodi nullæ quadrant, definienda est,
at subsumo de Metaph. E. major suâ ra-
diat luce. Minor non solum ab Aristot.
Lib. a. Major. Metaph. Cap. 2. probatur,
sed insuper etiam ab aliis etiam recenti-
oribus Metaphysicis passim adstruitur,
utpote D. Calovio, Jacob. Martini. D.
Scheiblero & D. Aurivillio.

MEMBRUM ALTERUM, *Regimen exponens Metaphysicum.*

§. I.

Quemadmodum DEUS homini, qui in
hac mortaliū statione cæco quo-
dam imperu ad cuncta, quæ sibi arri-
dent, fertur, optimè consuluit, leges san-
ciendo, ad quas, tanquam exactam nor-
mam, vitam actionesque suas dirigere ne-
cessum habet; Ne vitio naturæ depravatae
honestatis limites transiliat, potestatem
illam legibus hominem coercendi, Personis,
quæ Reges audiunt, concessit, quorum
deinde decretis refragari, minimè illi fas
est: Haud dissimili ratione Orbi Philo-

sophico comparatum est. Habet enim ibi Rex suos subditos & subditi suum regem; legibusque cautum est, qvid facere, qvidve omitttere debent. Ne igitur scientiae ἀκέφαλοι & sine capite dicantur, agnoscunt *Metaphysicam suam Reginam & Dominam*, qvæ illis objecta largitur, & leges, ad qvas tractari debent, subministrat, *principia* nempe *generalissima*, qvæ sunt norma omnium statutorum disciplinarum, imperio puta illius subjectarum, adeò ut nihil in illis adseri vel statui debeat, qvin ad normam istam collineant. *Ubì tamen probè observandum: Regimen Metaph.* non esse *practicum*, veluti imperaret suis subditis hoc vel illud: qvodve cōsistat in externa professionum philosophicarum in societate humana directione; qvale imperium in omnes disciplinas exercet *Politica*, limites & officia singulis scientiarum *Professoribus* præscribendo; sed *Theoreticum*, in interna vigoris atqve vitæ communicatione cōsistens. Influit namqve *Metaph.* occulta ratione in disciplinas sibi subjectas, declarando eos terminos, citra qvorum explicationem non potest ulla alia disciplina veritatem attingere, aut ad scopum suum

suum pervenire, ceu in posterioribus de
hocce pluribus erit agendum.

S. II.

In *Regimine Metaph.* explicando oc-
cupatis, paucis significare luet, qvinam
habitus huic *Regimini* addicti, qvinam
non. Imperat hæc *Regina Scientiarum*
Metaph. habitibus Αλευρίκοις, non qvi-
busvis, sed circa ens determinate qvid-
datis versantibus, qvi unicè dèsiderant
patrocinium Metaphysicæ. Exulant ergò ex ejus Regno *habitus* qvi aut ejus-
dem *communitatis* cum Metaphys. aut
etiam certo respectu hâc superiores sunt,
Utpote *Primum Theologia*, hæc enim (α)
Metaph. non est subdita, cum objectum
eius non communi viâ & modo se re-
præsentet, nec vulgaribus classibus rerum
contineatur: Nec principia hic (β) ad-
hibeantur è prima philosophia desum-
pta, qvin potius principium adæqvatum
& unicum sit *Divina revelatio*. Deinde
eximenda hinc est *GНОSTOLOGIA*, qvip-
pe hujus objectum I. est ipsius intel-
lectus objectum, ideoque indetermina-
tum, ut præcise τὸ γνῶσθαι s. cognoscibile
z. Non est sub ente sed æqvè latè patet

cum ente. Quid, qvod 3. operâ suâ u-tatur Metaphysica circa objectorum de-terminationem; qvare etiam ipsi est à consiliis, ceu in posteruī docebitur. Tertiò removetur Noologia; est qvip-pe hæc habieus Nonūnōs, non Διανοητός, qvales solum imperio parent Metaphy-sicæ, qvæ ipsa habitus quoqve est διανοητός, è principiis primis conclusiones eliciens generalissimas. Non 2. de ente, sed en-tis saltem collatione & analogiâ rerum agit. Non 3. à superiori pendet, sed in summam disciplinam virtute influit, eam-que sic constituit, ut dicatur r̄s καὶ θμo-
σίην vel scientia cum capite. Non puta formaliter (habieus enim specie diversi nunquam sunt formaliter unus idemque specie habitus) sed virtualiter, quia sapientia adhibet principia prima, non sub ratione signata & abstractâ, prout è naturali rerum cognatione elicuntur, & certo objecto designantur; sed exercitâ & applicatâ, qvatenus faciunt ad univer-salissimas conclusiones de ente formandas, & ceu reliquarum scientiarum fundamen-ta immotè firmandas. Quartò denique hinc relegatur Metaph. qvæ licet objectum

sibi necessum habeat definire & præcognoscere, hoc tamen facit in parte *proœmiali*, modò, qvi obtinuit, & adhuc dum obtinet, apud cæteras generales disciplinas. Quærum è numero etiam sunt *habitus instrumentales*, qvi neutiquam Metaph. parent imperio, utpote qvi latius sese extendunt, quam hæc.

§. III.

Ex hinc facile patet, neqve *banc*, neque *illas*, superiorem quandam agnoscere *disciplinam*, à quâ objecti ratione dependant, sed potius divisum quæsi inter se habere imperium. Quandoquidem Metaph. in *directione inferiorum disciplinarum*, illarum utatur servitio, easdem vero neutiquam dirigat, eapropter quod illæ naturâ priores sint, cum dirigant *ἀρχὴν τεκμῆνως* primam & secundam mentis operationem, simplicem rerum apprehensionem, nec non earundem compositionem & divisionem. Quod præstat *Gnostolog.* primariò beneficio abstractionis & conceptus seu idealis representationis, secundariò vero ope disciplinarum & habituum, cum illa magis faciant ad apprehensionem; hæc vero potius ad conservationem conducant. Nologia autem, quatenus ex analogiâ re-

rum prima cognoscendi principia derivat.
 Quemadmodum & Metaph. primò &
 principaliter dirigit eoriam mentis ope-
 rationem, tñv *Algévoicar*, ē principiis primis
 eruens conclusiones, cæterarum discipli-
 narum principia, qvæ itidem faciunt, ve-
 rum secundariò, ad tertiam mentis ope-
 rationem perficiendam. Hoc ipsum cla-
 rescit, si obseretur objectum GNOSTO-
 LOGIÆ esse cognoscibile, qvod abstrahit ad-
 huc à primo scibili, objecto Metaphysicæ.
Cognoscibile qva tale præscindit à primo
 cognoscibili & à cæteris secundò cognitis;
 non aliter atqve substantia præscindit à
 primâ atque secundâ substantiâ. Objec-
 tum Noologiæ, est rerum omnium co-
 gnatio, qvà exinde fluunt prima co-
 gnoscendi principia, qvæ itidem prior
 est objecto Metaph. in quantum videlicet
 non possum abstrahere notionem commu-
 nissimam & attributæ transcendentia, ab
 omnibus quæcunque sunt, nisi intuitus
 cognitionis rerum omnium, nec statue-
 re conclusiones generalissimas, nisi ē
 primis principiis veritatem suam obtineant.
 Neutiq; verò hic censendum,
 objectum quasi ideo Metaph. à Consili-
 ariis suis præscribatur, qvia objectum

Metaph. non dependet propriè loquendo ab eorum objectis licet eadem priora sint, qvalis dependentia datur inter *Metaphysicam & inferiores disciplinas*, qvæ propriè ab illa dependent. **G N O S T O L O G I A** qvidem explicat objecti naturam in ideâ ut objectum accuratè exponatur in abstracto; & objectum ejus est scibile ut sic adeoque terminatur eadem Simplici rerum apprehensione, præcisè & intra limites cognoscibilis quâ talis, nequaquam vero hoc vel illud scibile determinatè apprehendit. **N O O L O G I A** vero rerum affinitatem spectat, & οὐγελίνως considerat, qvæcunque in rerum natura sunt, non vero quidditatem attingit, nec Αλεκρίνως res sive in abstracto, sive ut sunt determinatae quidditatis, ullatenus pensaret, ideoque nec ad objectum determinatum descendere potest, utraqve demum considerat vel θεωρία, περὶ & μίον, vel principia theoretica, practica & poëtica, sed neutra eosque progreditur, ut disciplinam qvandam Αλενόλικην præcogoscat, ejusque objectum statuminet. Hisce observatis, relinqvitur omnes tres prædictas disciplinas Directrices, objectum

suum sibi præscribere, inferioresque Disciplinas dirigere, modo tamen non eodem: Metaphysicam legibus ut Reginam, reliquos illas ambas, consiliis ut Consilioarios Regios.

§. VI.

His ita præsuppositis res ipsa à nobis exigit, ut ostendamus, in quo Reginamen Metaphysicæ consistat, ne Regina scientiarum titulum sine re habeat, ac Dominæ & Regina audiat absque munericis Regii administratione. Dicimus itaque cum recentioribus, officium hoc tribus potissimum comprehendendi momentis: Qvorum PRIMUM est, *leges inferioribus Disciplinis præscribere*. Secundum limites s. objecta illis constituere. Tertium denique controversias in illis subortas dirimere. Qvod autem Primum attinet, Directionem scil. inferiorum Disciplinarum per leges, tum Metaph. hoc ipsum dupli exsequitur modo: Nöematicè & Axiomaticè. Ille est, quando per terminorum generalissimorum abstractam definitionem, universalissima representant nöemata, qvæ insignem præstant usum inferioribus Disciplinis: Hic v fit per ca-

nones & universalia Axiomata, prout illa ē naturā entis, quatenus id adaequatè coram mente representatur in se, affectionibus & modis quasi restrictioribus, eruvuntur. utrumque in §. seqv: planius explicatur.

§. V.

Hoc ipsum, qvod dicimus, in aptico ut sit, fatemur Metaphys. leges non practicè prescribere, sed theoreticè, qvod præstat, dum versatur circa simplicem entis theoriam & attributorum communissimorum doctrinam: ita ut universalia precepta, qvæ ab omnibus particularibus suam obtinent veritatem, de illis formet. Qvod etiam probè notandum, tum in formalis terminorum transcendentium ratione, tum in abstractâ principiorum communiam constitutione. Utrobius enim dominari debet abstractio, ab omni qvod est, adeoque non minus ab ente finito quam infinito, ut antea dictum est. Et quam primum termini ad mystica applicari deprehendantur, per analogiam communis formandus est conceperus, abstrahens ab his simul atque ab illis. Nam quemadmodum finitum

& infinitum participant ἀναλόγως Entis naturam; ita & qvæ ad Ens, qvæ Ens spectant. Ubi accuratè sciendum, contra naturam rerum, vel etiam citra applicationis fundamentum, nullam debere institui applicationem, cum non in omnibus sed in iis saltem, ubi qvædam est communis ratio, convenientia detur. Et Analogie Fundamentum est, infinita rerum distantia, non ea, qvæ sic dicitur ob omnimodam repugnantiam, alias non nisi æqvivoca erit applicatio, qvæ est solum καὶ λέξιν, sed propter infinitam alterius extremi præ altero excellentiam, qvæ in vi eminenti, & καὶ περίημα Analogia nominatur. Pariter cum communia axiomata ē naturā Entis, & qvæ sub ente sunt, elicit, examen instituit, anteqvam fidem universalitati illorum habeat, num eadem induc̄tio omnium particularium probet, vel etiam deduc̄tio ad impossibile fidem iisdem conciliet? ad quod principium, conclusiones, qvotqvot in Metaphysicā traduntur, generalissimas exigi, reqvirit tum sapientiae primæ præminentia, cuius est ad altissima usque condescendere principia; tum principiorum sci.

scientificorum indigentia, qvæ munimento certè indigent, ut scientia suam alseqvantur certitudinem. Et qvem admodum Metaphysica *descriptions*, *formalem terminorum transcendentium rationem representantes*, in summa Entis abstractione format; ita non minus necessarium dicit, *divisiones*, *materiale rerum varietatem exhibentes*, sub *adæquatione omnimoda dare*, in quantum scilicet ratio formalis Metaphysicæ patitur, & ad sapientiæ primæ officium facere videntur; Adducit enim, qvæ ad *absolutam Entis theoriam* pertinent; qvæ vero ad *speciales disciplinas* spectant, prætermittit. Cum igitur hanc in modum munus suum obeat Metaphysica, non potest non *definitiones & axiomata accurata ac infallibilia tradere*, qvæ cæterarum disciplinarum firmæ sunt *leges s. principia*. Nam in *Definitionibus* potissimum relucet *affinitas & cognatio rerum vel subtilitas*, qvæ summam & omni exceptione majorem arguit certitudinem, & conciliat evidentiam, ut eâ animadversa, non possit non intellectus assensum præbere. *Axiomata autem cætera nihil aliud* sunt, qvam *πορείαται*, qvæ à *Definitio-*

nibus resultant; quare & h̄e ēxquirēt̄ w̄s
& principaliter; Illa vero ēπομένw̄s &
consequenter dicuntur principia

S. VI.

Sed qvoniām & alii mūnerā h̄ec Me-
taph. aliis, qvām nos facimus, referunt
modis, paucis, animus est, illorum ver-
ba hic signare, ne fortē qvis, illis omis-
sis, arrogantiæ notam nobis inūrat. Di-
cit enim D. Scheibl. Metaphysicam de-
monstrare & confirmare principia prima
& qvidem id variis exseq̄vi modis, qvem
admodum Svaretz. disput. I. s. 4. n.
17. id eleganter dōcebit. Primum, in-
qviens, id facere, diligenter declarando
terminos illos, ex qvibus principia con-
stant. Traditur enim in hac scientia,
qvid sit Ens, essentia, actus, potestas, to-
tum, pars aliaque ex qvibus illa prima
principia conficiuntur. Ad primorum au-
tem principiorum notitiam, nihil ferè
magis facere potest, qvām si termini recte
intelligantur. Sunt enim perse nota, modò
à terminis absit obscuritas, & recta adsit
illorum notitia. Deinde facit id Metaphy-
sica, potissimum confirmando ea per de-
ductionem ad absurdum, Qvod fit, si
ejus

ejus oppositum involvat aliquid esse, vel non esse. Solet & dici, qvod Metaphysica confirmet & demonstret scientiarum particularium principia, & explicet terminos generales; qvod etiam nos ambabus largimur manibus, utpote qvod potissimum ferè Metaph. est officium; sed qvod hoc magis quam illud diversum sit à nostro momento primo, qvod fecimus: *leges inferioribus disciplinis prescribere*, auctoritate D. Calovii, est qvod negamus. Nam dum *disciplinis inferioribus modò à nobis paulò anteà indigitato*, leges prescribit, confirmationem tam *principiorum primorum*, quam *artorum*, satis superque demonstrat. Et sic re ipsa convenimus, verbis licet discrepemus. Nec hic, qvod prænominato loco Svaretz, perseqvitur, observare pigebit, scil. qvod Metaphys. demonstret particularium *Disciplinarum principia*, non immediate illa attingendo, sed vel quatenus opus est generalibus terminis, ad proprias definitiones tradendas, & proprios terminos explicandos; vel etiam quatenus in eis generales vel transcendentales baliitudines includuntur, sine quarum cognitione, non potest aliqua ratio, seu quidditas

alicujus rei in particulari explicari; vel etiam cum ex generalibus suis principiis format deductiones ad absurdum, pro adstruenda veritate principiorum, quæ sunt in inferioribus Disciplinis.

§. VII.

Expositâ sic ratione Primi Muneris, conferimus nos ad Secundum, quod est in inferioribus Disciplinis objecta adsignare; sed anteqvam hujus interiores petamus recessus, è re esse videtur, paucis discutere, Num ob abstractionem secundum indifferentiam Metaphysicæ liceat descendere ad objectorum determinationem? Ubi ipsius objecti Metaphys. ratio formalis, per particulam quatenus ens expressa, altius exponenda. Sumitur enim tò quatenus dupliciter; οὐδεὶς λογικῶς s. causaliter, ut innuat rationem s. causam, cur prædicatum subjecto conveniat; & οὐδεὶς λ. determinativè, ut specificet objectum commune hoc modo: Ens secundum quidditatem communissimam objectum est proprium Metaphysicæ. Innuit itaque, exponente D. Calovio, ens in abstracto & universali, & excludit entia in particulari; innuit communem ra-

tionem omnium; excludit specialem considerationem singulorum; est enim abstracta ab omnibus, non concreta ex omnibus, considerat omnia in universali non universaliter omnia. Non enim prohibetur Objecti formalis ratio descendere ad ea, quæ sub objecto formalis Entis continentur, h. est quæ enti quā Enti insunt vel subsunt; sed ea saltem removet, quæ ipsi extrinseca. Restringendus igitur est iste consensus ad indolem disciplinæ & rationem objecti formalem, quæ non impedit, quo minus Metaphys. objectum suum Ens in modis effendi contractionibus tractet, & infinitam rerum varietatem ad certas revocet classes, typicā & generali rerum omnium representatione; quia hoc modo considerare Ens, tantum abest, ut contrarietur Metaphysicæ, ut potius ad ejus absolute pertineat notitiam. Hinc ὁ Φιλόμορφος patet, Metaphysicæ licere pensare quædam Specialia, quamdiu ratio formalis objecti id patitur. Quamprimum autem aliquid occurrit, quod isti contrarietur, illicē contemplationem ejus præscindit. Sicut Metaph. ab Ente descendit ad substantiam. Hic cum nihil in-

venit naturæ suæ adversum, distinctè illam considerat, & porrò illam partitur, dicendo: *substantia* alia est *Spiritus*; alia *Corporalis*; jam autem quia hæ *substantiae* in conceptu suo referunt determinatas quidditates, Metaph. illas dimitit, & scientiis particularibus qvoad *propriam naturam* & *affectiones cognoscendas* relinqvit. Non tamen potest nec debet omnimodè hanc divisionem intactam relinquare, cum distingvendis disciplinis qvam maximè inserviat. Quid imò subnectere divisionem qvandam sp̄cialiorem *spiritus* in *infinitum* & *finitum*, *Corporis* in *simplex* & *Compositum* &c. adeò non Metaphysicæ, licet appareat, contrariantur, ut commendetur potius universalitatem & majestatem ejus, à qvâ talia particularia suam habeant certitudinem. Non enim aliàs dispicere & judicare posset, num illa omnia, qvæ sub substantiâ spirituali & corporea comprehenduntur, ad unam aliquam disciplinam revocari possint: & qvænam illa substantia sit? aut num aliqua eorum ita sint comparata, ut ad idem subiectum disciplinare haud possint revocari; qvam tamen subdivisio nem, inquantum illa typicè quodammodo

répræsentatur, Metaph. competere afferit
D. Calovius p. m. 691, Quare hic non
exspectanda erit istarum divisionum five
confirmatio, sive explicatio, utpote quæ a-
liena est prime Philosophie.

S. VIII.

Ut autem rectè suo munere funga-
tur in adsignandis objectis disciplinaribus,
cognitionem eorum ante omnia sibi cer-
tam reddere debet, non qvoad proprias re-
rum rationes s. naturas & affectiones,
nisi velit iniqva audire in subjectas sibi
disciplinas, ac potius spoliare quam con-
servare illas, sed satis habet generaliter
& typicè qvasi, res omnes per certas re-
præsentando classes, illa ipsa præcogno-
scere, qvoad rationem saltem nominis &
existentiæ, seu qvoad Questionem, quid?
& an id sit? Non enim adæquata dari
potest determinatio nisi rerum omnium
varietate adæquate prælibata. Quare
etiam D. Calov. ò. 1567 s. determinativæ
stæ Discretivæ s. Discretivam præmittit,
ut constet quænam apta nata sunt con-
stituere objecta Disciplinaria, quæ non
Cur & qvomodo hoc fiat. Sciendum etiam
hic Metaphysicam, in obeundo suo mu-
nere circa Objectorum designationem,

progredi, non modo *practicō*, quasi hoc vel illud ab hāc vel illā disciplinā jubarat tractari; sed *speculativo*, dum scilicet *ens* partitur *in determinatores & expressiores modos essendi*. In his divisionibus procedit eo usque donec inveniat aliiquid, quo ipsius non est cognoscere. Hoc igitur omittit, & quia illud nihilominus sit *scibile per se*, oportet ut alia aliqua *Disciplina scientificam ejus cognitionem* persequatur. Juxta axioma Gnostol. *Omnē quod cognosci potest, necesse est in certa sede Disciplinari cognosci.* Atque sic tali Disciplinæ, quæ *ens* illud determinatae quidditatis (quod in Metaph. sub *notione Entis scientificè* non potest tractari) pro objecto sibi assumit, censetur Metaphys. id determinasse. Veluti Metaph. dividit *Ens* in *substantiam & accidens*. *Substantiam* iterum in *Corpus & spiritum*. Hic cum videat hæc esse *entia determinata*, pleniorē exigentia notioniam, & propterea suæ naturæ aduersantia, igitur illa dimittit, non nudè tamen, sed locando ea in *classibus*, verum, probat illorum *existentiam*, rationemque nominis, ut est *objectum*, exponit, ceu antea dictum est. Quemadmodum Metaph.

Classe substantiarum, spiritum non quemvis, sed à DEO, angelis & anima rationali præscendentem, objectum Pneumaticæ facit, qvia sub ista notione spiritus nusquam, sive ut principium sive ut affectio sive ut species consideratur, qvin potius sua habeat, non quidem principia, sed attributa, & species seu modos speciales, qvibus contrahitur ad spiritum finitum & infinitum. Corpus etiam sic ut duplii modo possit considerari, ἡ ψευδῶς οὐ πραγμάτως; ita duplex etiam indè oritur Objectum disciplinare; Physicæ & Medicinæ: Qvando essentia-
liter & qvoad naturales ejus proprietates consideratur, objectum est Physicæ;
Qvando vero accidentaliter, ut sanitati scilicet restituendum est, præcipue Corpus humanum, object. est Medicinæ. Adeoque sic tria objecta Disciplinaria ē Classe substantiarum exhibet. Metaphy-
sica.

S. IX.

Cum Metaph. pari incedat gradu in designandis objectis accidentalibus, descendendo scilicet per gradus entium, resque omnes cujuscunque classis genera-
liter delineando, hinc modum præscri-

bendi objecta hic de novo repetere supercedo, cum grave existimem fore, saepius iisdem lectoris obtundere aures; nisi quod gratius sit dispicere, *Cur non omnes accidentium classes objecta suppeditent disciplinaria?* Cujus rei ratio cum nobis ex perlustratione earundem innotescat, operae pretium est, hic quadamensus in eas inquirere. *Secundarias* quidem accidentium *classes*, non facile quis dixerit, peculiaria Disciplinarum objecta subministare, utpote *Quando, ubi, sicut, Habitum.* Quandoqvidem, quæ de illis cognosci possunt, aut ad alias disciplinas sece referunt, ut *accidentia*, aut expeduntur in parte Metaphysicæ *Alexandriuñ.* Relationes autem quod concernit, etsi carundem infinita penè sit varietas, ipsæ tamen cum minimæ sint entitates, si separatim à fundamento suo spectentur, non possunt peculiare constituere objectum, ideoque eò reducentur, quo ipsatum *fundamentum*, quod est *absolutum accidens;* atque sic relationes ad varias spectant disciplinas. *Qualitas* iterum consideratur, vel in genere vel ratione specierum suarum: Generalem considerationem absolvit Metaph., ut etiam gene-

ricam doctrinam habituum; sed de habi-
tibus intellectualibus præcipere signatè,
nullius est disciplinæ præter Gnostolo-
giæ. *Potentia Natural.* prout abstrahit
à potentia spiritus finiti & corporis, et
iam Metaph. est considerationis, circa
doctrinam *Qualitatum*: Quatenus vero
spectatur in *Corp. Natural.* revocatur ad
aliud objectum, *Corpus* scilicet *Natur.* sic
ut affectio ad ipsum subjectum; quo etiam
refertur *Partibilis qualitas.* *Figura &*
Forma, præter genericam tradictionem,
quæ Metaphysicæ est, vel ad object. sub-
stantiale *Corpus*, tanquam accidentia re-
vocatur, vel si *Figura abstractè* conside-
ratur ad *Mathesin* spectat. Proinde cum
consideratio *Qualitatum* à natura spiri-
tuum finitorum & corporum *Natural.*
divelli nequeat, sed ad plenam & adæquatam
illorum cognitionem faciat, nullum ob-
ject. peculiare alicujus disciplinæ à *Quali-*
tibus erui potest. Supereft igitur *Quan-*
titas & Actio, de quibus, quomodo ob-
jecta constituunt *disciplinaria*, jam dis-
qvirendum.

§. X.

Quemadmodum nemo inficias ibit,
Quantitatem in natura rerum dari; sic
etiam

etiam ultrò qvilibet concedet, accuratam ejus tractationem Metaphysicam sibi non arrogare, sed alicui alii Disciplinæ tanq; objectum peculiare eandem adjudicare. Cum præterqvam qvod in Metaph. consideratur, ut est *Ens ac modus Entis*, sive qvatenus summæ ejus *Classes ad Entis absolutam theoriam*, sapientia primæ, propter universalem omnium cognitionem, debitam, repræsentantur, etiam sub *alio formaliter* perpendi possit, qvatenus scilicet est *Extensa*. Qvomodo *Quantitas bifariam* expeditur; vel in statu præcisionis, qvà abstrahit à *Magnitudine & Multitudine*; vel restrictè ad *Quantitatem Continuam & Discretam*. Cum igitur *Quantitas* hoc modo in nulla alia Disciplina habeat esse, vel per modum *principii* vel *affectiōnis* vel *speciei* aut *modi contrahentis*, constituat, necesse est, peculiarem disciplinam, qvæ *Mathesis* audit. Hæc veluti *Princeps* sub *Regina scientiarum* tamen constituta, cum alias disciplinas, tanq; plures principatus, sub juris dictione sua obtineat, etiam ipsa de finium s. *objectorum* earundem determinatione sollicita esse debet, neq; vaqvam vero eandem à

Metaphysicā exspectare. Qvarē nec operiosius hic specificationem illarum persequimur, sed Mathem, hoc ipsum negotium relinquimus,

S. XI.

Supereft denique ut mentem nostram circa considerationem *Actionum* quoque exponamus, ex quibus omnes, rectè scientes, quædam objecta disciplinaria elicī posse, etiam non inviti afferent. Qvarē cum individua veritas ab illorum sententiā abire nequaquam patiatur, neque mihi videtur aliquas posse excogitari rationes, quibus ea illorum concepta & rationibus suffulta sententia arietari possit, exponere lubet, quænam sint illæ *Actiones*, quæ objectam *Philos. Practicæ* constituunt: *Humanæ* nempe, non quidem *naturales*, quia necessariæ sunt, & sub *Deo* cadunt in eâ *scientiâ*, quæ principium agendi *naturale*, facultates & potentias *activas* considerat; sed *Voluntarie*, prout *moraliter* rectificandæ. Qvod quidem assertum à vexationibus allorum liberum esse, minimè diffiteor, non ut potè qui dicunt: *Actiones redificandas*, in fieri, non referre conceptum *realēm*, quippe sunt *Ens in potentia*; Verum cum

ad hoc illorum palmarium ab Adm.
Rev. D. Profes. Wanochio, in Disqq. suis
Practicis sufficienter responsum iri existi-
mem, placet integrè verba illius hic as-
sumere; dicit enim ibi p. 369. Quamvis
Actio moralis, in fieri, sit in potentia obje-
ctiva, respectu facultatum animæ huma-
ne, gignit tamen conceptum realem, cum
actio talis non sit ens in potentia nega-
tive tale, sed positive, per denominatio-
nem à suis principiis, atque sic habet re-
alitatem ac entitatem in illis. Nec enim
Ens in potentia mox est Ens rationis, quia
ut dictum, habet realitatem in suis causis,
Et quidem talem, ut de facto possit esse,
quale praexistit in virtute vel potentia
cause. Plura, si placet, p. seqq. ibidem
videbis. Quid imò easdem illas actiones
Objectum Jurisprudentie constituere cen-
sebis, sub hoc tamen formaliter, quatenus
degibus consonae sunt.

§ XII.

Excipit jam ultimum requisitum im-
perii Metaphys. quod est *Controversias in*
inferioribus Disciplinis subortas dirimere.
Cum igitur disciplinæ lites præcipue de
terminis, limitibus seu distinctionibus
inter se mutuis foveant, nec satis constet,

qua

quā in sententiā acqviscent, ad Metaphysicam provocent, necesse est; Unde, omnibus rite examinatis, sententiam deinde exspectabunt verissimam. Verum quomodo illa hoc ipsum exsequitur, clarissime, si duo illa anteriora ejus officia æqvā judicit lance pensitemus, apparet. Dum enim Metaph. attributorum transcendencium rationem formalem in summa abstractione scrutatur; Divisiones materialem rerum varietatem exhibentes in adæquatione omnimoda ponit: Axiomata universalia ex primis principiis firmat: Objectaque, tanquam certos limites, quos nullis licet excedere disciplinis, determinat, non potest non justitiæ præsidere, controversiasque subortas decidere, modo tamen sibi proprio, Theoretice scil. cuncta illa, de quibus controvertitur, explicando, non vero præctice, hanc vel illam sententiam verissimam esse, illis præscribendo; ut & illa omnia ad principia prima revocando.

§. XIII.

Cum autem in superioribus mentionem fecerimus de Consiliariis Regis,

GNO-

GNOSTOLOGIA & NOOLOGIA, statuentes
 Metaphysicam hoc imperium suum, illis
 mediantibus, gerere, colophonis loco jam
 demonstrare volumus, quomodo hæ disci-
 plinæ Metaphysicæ in obeundo hoc suo
 regio munere inserviunt. Scil. **GNOSTOLO-**
GIA subministrat consilia, quo noverit
 Metaphysica abstrahere, atq; in abstra-
 ctione *Entis* omnia repræsentare. Docet
 quid observandum, circa applicationem
 serminorum communissimorum ad res my-
 sticas *Prædicamentales*; analogiam vi-
 delicet urgendam esse; quemadmodum in-
 nocationem dominati assertit in rebus
 planè æqualibus. **NOOLOGIA** iterum vir-
 tute influit in Metaph. dum videt. hæc
 concepsum non potest abstrahere commu-
 nissimum, nisi intuitu cognitionis re-
 rum, nec conclusiones suas generalissi-
 mas è naturâ *Entis* derivare, nisi prin-
 cipiis primis roboratas, ceu antea in § 3
 dictum est: Utiturque sic *Regina Sci-*
entiarum GNOSTOLOGIÆ & NOO-
LOGIÆ operâ; illius in *Directione*
Disciplinarum noëmaticâ, hujus vero in
directione axiomaticâ.

Hæc

Hæc sunt B. L. quæ summa cum festinatione, super Materiâ hac nobilissimâ, à me verius consarcinata, quam arte elaborata sunt. Fateor etiam, multa, quæ forsitan tuo arriderent palato, omissa, plura vero ob angustiam temporis non satis explicata. Quæ omnia mihi condones, obnixè rogo.

Sit itaque

SOLI DEO GLORIA.

Clarissime Dn. CANDIDATE,

Præceptor Honorande,

Cum crebris pervolvam cogitationibus sincerum illum animum, quem per aliquod temporis spatiū sine fuso, *Præceptor dilectissime*, mihi præstisti, inter spem timoremque hæreo, num possim meritis tuis vicem quandam officii, exigui licer, reddere, cum conscientia meæ tenuitatis, vereor, ne votiva mea verbula lauto palato minimè sint grata; Verum gratitudinem suam dissimulare & non profiteri, ingratudinis cum habeatur nota, necesse est, ut affectum in Te, *Præceptor amande*, oppidò gratum simplici efferam voto, præmium scil. quod devoratas molestias, insomnesque tuas insequitur noctes, fausto ac felici sidere accipias!

G. GYDENSEPIE.

Clarissimum Dn. Candidatum,
Amicum suum singularissimum juxta
ac colendissimum.

Quid valeat reliqvas inter sapientia
prima,

Hæcce docere potest pagina docta
tua.

Quid valeat vigili didicisse fideliter artes
Curâ, hæc exemplo tuique BRUMERE
doces.

Nam coluisse fuit Musas tuus ardor in
omni

Tempore, sic ipsæ laurea serta pa-
rant.

Laurea serta parat castissima turba
novena

Qvæ capiti imponet, temporibus-
que tuis.

I felix igitur qvo te fortuna vocavit,
Suscipe ter felix qvæ tibi fata da-
bit.

DANIEL SIRENIUS.

Ad

*Virum Jovenem
Literis & moribus clarum,*

*DN. ERICUM BRUMERUM,
Philos. Candidat^{um} meritissimum,*

&

*Gymnasii Wiburgensis confirmatum
Logic. & Phys. LECTOREM,
Pro honoribus in Philos. merito suo obtinendis,
de*

*REGIMINE METAPHYSICO,
doctè & subtiliter differentem,*

Hexametra bacce

*E*γε επειρε Φέρετε, κρυφαῖς λόγων νὺν
μελαλᾶς,
Ἀγχισόως σοφίης πολυτενθέα δόγματά ἐρευνῶν,
Σπεῦδε τῆς ἐν κομιδῇ, καὶ τὸ πάρβεε μόχθου ἄ-
μετρον,
Πλεῖστον γαρ̄ χραισμένα σ' ὄκαδε κέρδος ἄρηι,
Ηλιβάτῃς σοφίης ἡε κε λέγει ἐρφέ σμια δρέψης,
Καὶ σφανωθῆς τῷ δάφνης ἐργηλέθρῳ ὅζω,
*Animo quam verbis prolixius
scripsit*

ENEVALD. WANOCHIUS.

Excessum illum Parnassi verticem ascende-
re, qvid nisi ingens opus, maximusque
labor? prærupta enim & per asperos gradus
scrupulosa via, viatoribus terrorem incutit
sæpè talem, ut vel retrò abeant, vel in me-
dio gradum sistant, antequam ad culmen i-
psos perducit fortuna; sed Tibi, Frater dile-
cissime, nec scrupulosa ac lubrica laxa, nec
asperitas viatuum, nec aliud prægrave onus
moram objiciebant, qvin feliciter ad metam
propositam contenderes, præmium quod Mu-
sæ conferunt, maximo desiderans studio. Quo-
ties enim diligentiam tuam ante Iucana tem-
pora novere? quoties labores perduros dies
tui senserunt? quoties nox atra *invictum* stu-
dium? quoties Te infesta novercantis fortu-
næ tela, qvorum crebris qvidem qvassatus
es ictibus, à proposito terrere rentaverunt?
verum strenuum in hisce subeundis semper Te
præbuisti. Gratulor igitur Te felicem, quem
fata sic evehere placuerunt, vovoque, ut fe-
lici successu capias jam illud honoris decus,
qvod meruit virtus, meruere cura & la-
bores!

Fratri suo
gracili sic crenā vovit.
SIGFRIDUS BRUMERUS.
Helsingf. Nyland.